

EDUKIA

2025eko DIRULAGUNTZEN DEIALDIA, MUGIKORTASUN URRITUA DUTEN PERTSONENTZAKO BILBOKO AUTOTAXI-ZERBITZURAKO	2
1. ARTIKULUA. XEDEA.....	2
2. ARTIKULUA. ARAUBIDE JURIDIKOA	2
3. ARTIKULUA. ERAKUNDE LAGUNTZAILEAK	3
4. ARTIKULUA. ERAKUNDE LAGUNTZAILEEN BETEBEHARRAK.....	3
5. ARTIKULUA. ONURADUNAK	4
6. ARTIKULUA. ONURADUNEN BETEBEHARRAK.....	4
7. ARTIKULUA. AURREKONTU-KREDITUAK.....	5
8. ARTIKULUA. LAGUNTZA EKONOMIKOAK	5
9. ARTIKULUA. BATERAGARRITASUNA BESTE DIRULAGUNTZA BATZUEKIN.....	5
10. ARTIKULUA. ESKAERAK.....	6
11. ARTIKULUA. LAGUNTZAK EMATEKO ETA EBAZTEKO PROZEDURA.....	7
12. ARTIKULUA. DIRULAGUNTZA ORDAINTZEA.....	8
13. ARTIKULUA. JUSTIFIKAZIOA.....	8
14. ARTIKULUA. OBLIGAZIOAK EZ BETETZEAREN ONDORIOZKO ERANTZUKIZUNAK	8
15. ARTIKULUA. EMANDAKO DIRULAGUNTZEN PUBLIZITATEA	9

2025eko DIRULAGUNTZEN DEIALDIA, MUGIKORTASUN URRITUA DUTEN PERTSONENTZAKO BILBOKO AUTOTAXI-ZERBITZURAKO

1. ARTIKULUA. XEDEA.

1. Mugikortasun eta Jasangarritasun Sailak, Garraioen esparruan, dirulaguntzalerro honetarako deialdia egin du 2025erako: "Mugikortasun urritua duten pertsonentzako Bilboko autotaxi-zerbitzurako".
2. Deialdi honen xedea da dirulaguntzak ematea Bilboko Udaleko taxi-lizentzien titularrei, bere lizentziari atxikitako ibilgailu egokituekin mugikortasun urritua duten pertsonen emandako zerbitzuetan hobariak izan ditzaten, hartara, taxi egokituen flota handitzen laguntzeko eta, horrekin batera, erabiltzaile horientzako zerbitzua hobetzeko. Horrela, diruz lagundutako zerbitzuak mugikortasun urrituko pertsonen ematen zaizkiela egiaztatu ahal izateko, Bilboko Taxi Elkarreetako irratiek erregistratutako datuen laguntza behar da. Hala ere, bihar-etzi horrelako dirulaguntzen deialdiak egiten badira, ezartzen diren tresna teknologikoak egiaztapen horiek egiteko erabiliko dira.
3. Bilboko taxi-elkarteak Dirulaguntzei buruzko azaroaren 17ko 38/2003 Lege Orokorraren 15. artikuluan ezarritakoaren arabera (aurrerantzean, 38/2003 Legea) eratuko dira eta horretarako dagokion hitzarmena sinatuko da.

2. ARTIKULUA. ARAUBIDE JURIDIKOA

Deialdi honetako dirulaguntzak arau hauen menpe daude: Dirulaguntzei buruzko 38/2003 Legea, eta lege hori garatzeko uztailaren 21eko 887/2006 Errege Dekretu bidez onartutako Erregelamendua; eta Bilboko Udalak eta zuzenbide publikoko bere entitate eta organismoek ematen dituzten dirulaguntzak arautzeko oinarriak, 2016ko ekainaren 30ean Udalbatzak onartutako ordenantza orokorraren bidez onetsiak —Bizkaiko Aldizkari Ofizialean argitaratu zen, 2016ko uztailaren alean (138. zenbakian)—."

3. ARTIKULUA. ERAKUNDE LAGUNTZAILEAK

1. Erakunde laguntzaileak izango dira, 38/2003 Legearen 12.1 artikuluaaren arabera, deialdi honekin batera doan lankidetzatza-hitzarmena formalizatzen duten Bilboko taxi-elkarteak. Erakunde horiek, organo emailearen izenean eta haren kontura jardunez, harekin lankidetzan jardungo dute dirulaguntzak kudeatzen (emandako dirulaguntzak banatzea eta agiri bidez justifikatzea), deialdi honetan eta goian aipatutako hitzarmenean ezarritakoaren arabera.

4. ARTIKULUA. ERAKUNDE LAGUNTZAILEEN BETEBEHARRAK

1. Bilboko taxi-elkarteak dirulaguntza horiek kudeatzeko erakunde laguntzaile dira, 38/2003 Legearen 12. artikuluan eta horrekin bat datozenetan eta lehen aipatutako hitzarmenean aipatzen diren izaera eta irismenarekin.
2. Erakunde laguntzaileak diren aldetik, konpromiso hauek hartzen dituzte Bilboko Udalarekin:
 - a) Taxi egokituko zerbitzua bermatzea, lehentasunezko esleipenarekin, eta zerbitzu hori eraginkorra eta nahikoa izan dadila. Horretarako, hurbilen dagoen ibilgailua esleituko dute, ezarritako banaketa-irizpideen arabera, eta horretarako beharrezkoak diren neurriak hartuko dituzte.
 - b) Zerbitzu egokituak erreserbatzeko ohiko kanalak eskaintzea: emisora bakoitzaren telefonoak eta egoki iritzitako beste bide batzuk.
 - c) Dirulaguntza jasotzeko moduko taxi zerbitzu bakoitzari buruzko informazioa ematea Mugikortasun eta Jasangarritasun Sailari.
3. Irratiak esleitutako zerbitzuei dagokienez, emandako MUP zerbitzuei buruzko informazio hau Bilboko Udalari bidaltzeko konpromisoa hartu dute:
 - a) Itundutako zerbitzuaren kodea.
 - b) Lizentzia-zenbakia.
 - c) Zerbitzuaren eguna.
 - d) Zerbitzua zer ordutan eskatu den.
 - e) Zerbitzua zer ordutan esleitu den (*eskaera-ordua ez bada*).
 - f) Erabiltzailea jasotzeko puntuari dagokionez (tarifaren hasiera): lekua eta posizioa (GPS norabidea edo koordinatuak).
 - g) Aldez aurretik baimena emanda, erabiltzailearen harremanetarako telefonoa.

4. Era berean, Udalak emandako laguntzak lizentzien titularren artean banatu beharko dituzte, emandako zerbitzuak justifikatu ondoren eta Mugikortasun eta Jasangarritasun Sailari egiaztagiria aurkeztu ondoren.
5. Elkarre bakoitzak 2025eko azaroaren 23a baino lehen bidaliko dio aurreko apartatuan aipatzen den informazioa Mugikortasun eta Jasangarritasun Sailari.
6. Udalak funtsak ematen dituenetik hilabeteko epean, elkarre Mugikortasun eta Jasangarritasun Sailari bidaliko diote lizentzien titularren artean banatutako diruaren egiaztagiria eta xehetasuna.
7. Elkarre funts horien kudeaketari buruz Udalak egin ditzakeen egiaztapen-jardueren mende jarriko dira, bai eta kontrol-organo eskudunek egin ditzaketen bestelako egiaztapen- eta kontrol-ekintzen mende ere. Horretarako, eskatzen zaien informazio guztia emango diete.
8. Era berean, behartuta daude funtsak deialdi honen xede ez diren helburuetarako ez erabiltzera eta aplikatzekoa den araudian ezarritako gainerako betebeharrak betetzera.

5. ARTIKULUA. ONURADUNAK

Bilboko Udalaren taxi-lizentziaren jabe diren pertsona fisikoak, betiere ibilgailu egokitu bat dutenean eta honako baldintza hauek betetzen dituztenean:

- a) 2025ean, mugikortasun urritua duten pertsonen zerbitzuak ematea, deialdi honetan ezarritako betekizunen arabera.
- b) Udalak deitutako berrikuspenak behar bezala egin eta gainditu izana.
- c) Ez egotea 38/2003 Legearen 13. artikuluen 2. eta 3. apartatuetan ezarritako debekuetako batean ere.

6. ARTIKULUA. ONURADUNEN BETEBEHARRAK

1. Dirulaguntzen onuradunek 38/2003 Legearen 14. artikulua ezarritako betebeharrak bete beharko dituzte.
2. Dirulaguntza emateko ebazpen-proposamena eman aurretik, onuradunak ez du zorrik edukiko zergen arloan eta Gizarte Segurantzari.

3. Ez da dirulaguntzaren ordainketa gauzatuko, baldin eta, hura izapidetzeko orduan, artean ere dirulaguntza eskatu duena ez badago egunean Gizarte Segurantzarekiko betebeharretan eta tributu-betebeharretan.
4. Deialdi honen onuradunek mugikortasun urriko pertsonentzako zerbitzuaren inguruko ikastaro, prestakuntza eta ekitaldietara joan beharko dute Mugikortasun eta Jasangarritasun Sailak hala eskatzen duenean.
5. Betekizun horiek bete ezean, gerta liteke onuradunak laguntzaren zati bat itzuli beharra, betekizunak betetzen ez direnetik hasi eta lehen aipatutako epearen artean jasotakoa.

7. ARTIKULUA. AURREKONTU-KREDITUAK

- 1.- Deialdian eskaintzen diren dirulaguntzak Bilboko Udalak 2025 ekitaldirako onetsitako aurrekontuaren 2025 21010 44110 4719900, PEP 2025/00249 partidaren kontura finantzatzen dira.
- 2.- Deialdi honetara bideratutako zenbatekoa BERROGEITA HAMAR MILA EUROKOA (50.000€) da.
- 3.- Aurrekontu-zuzkidura handitu ahalko da, aurkeztutako eskabideak ikusita, deialdi berririk egin barik.

8. ARTIKULUA. LAGUNTZA EKONOMIKOAK

- 1.- Laguntza horien zenbatekoa proportzionalki banatuko da oinarri hauetan xedatutakoaren arabera emandako eta justifikatutako zerbitzu guztien artean; zerbitzu bakoitzeko, gehienez ere, bost (5) euro emango dira.

9. ARTIKULUA. BATERAGARRITASUNA BESTE DIRULAGUNTZA BATZUEKIN

- 1.- Dirulaguntza hauek bateragarriak izango dira xede berarekin emandako beste dirulaguntza, laguntza, diru-sarrera edo baliabide batzuekin, edozein dela ere eman dituen Administrazioa edo ente publiko edo pribatua, dela Estatukoa, Europar Batasunekoa edo nazioarteko organismoetakoa.

2.- Nolanahi ere, emandako dirulaguntzaren zenbatekoak ezin izango du inolaz ere gainditu –berak bakarrik edo beste dirulaguntza, laguntza, diru-sarrera edo baliabide batzuekin batera- diruz lagundutako jardueraren kostua.

3.- Udal ebazpenaren ondoren, onuradunek beste administrazio publiko batzuek ematen dituzten dirulaguntzak jasotzen badituzte proiektu bererako, Bilboko Udalari derrigorrean jakinarazi beharko diote, jakinarazpena jasotzen dutenetik hilabete baino lehenago.

10. ARTIKULUA. ESKAERAK

1. Deialdi honi buruzko informazio eta dokumentazio guztia eskura egongo da Udalaren webgunean (www.bilbao.eus), Bilboko Udalaren gardentasun atarian eta Dirulaguntzen Datu Base Nazionalean.

2. Dirulaguntzak eskuratu nahi dituzten pertsona fisikoek eskabidea (I. eranskina) aurkeztu behar dute agiri hauekin batera:

a) Eskatzailearen NANaren fotokopia.

b) II. eranskina beteta eta sinatuta. Erantzukizunpeko adierazpena:

- Dirulaguntzei buruzko azaroaren 17ko 38/2003 Lege Orokorraren 13. artikulua onuradun izateko ezartzen dituen debekuetako bat ere ez duela adierazten duena.
- Oinarri hauetako 9. artikuluan laguntza horien bateragarritasunari buruz dioena ezagutzen duela adierazten duena.
- Mugikortasun eta Jasangarritasun Sailak eskatzen dion formazio espezifikoan parte hartu duela adierazten duena.

c) Bilboko Udalak informazio hori eska edo kontsulta dezan nahi ez badu, ziurtagiri hauek aurkeztu behar ditu:

- Gizarte Segurantzaren Diruzaintza Nagusian ordainketak egunean izatea.
- Udal eta Foru Ogasunean ordainketak egunean izatea.

3.- Eskariak Bilboko Udalaren Erregistroan aurkez daitezke, edo, bestela, Herri Administrazioen Administrazio Prozedura Erkideari buruzko urriaren 1eko 39/2015 Legearen 16. artikuluan aurreikusitako beste edozein eratara bidal daitezke.

4.- Eskariak aurkezteko epea deialdi hau argitaratu eta hurrengo egunean hasiko da, eta 2025eko azaroaren 10ean amaituko da. Informazioa Udalaren webgunean ere eskuragarri dago (www.bilbao.eus), Mugikortasun eta Jasangarritasun Sailaren informazioaren barruan.

11. ARTIKULUA. LAGUNTZAK EMATEKO ETA EBAZTEKO PROZEDURA

1.- Dirulaguntzetarako deialdi honetarako gordetako aurrekontu-kreditua deialdi honetan ezarritako baldintzak betetzen direla ziurtatzen duten pertsona fisikoei banatuko zaie, 6. artikuluan ezarritako laguntzen zenbatekoen arabera.

2.- Prozeduraren instrukzioa egiteko organo eskuduna Mugikortasun eta Jasangarritasun Saileko Garraio Zuzendariordetzari atxikitako teknikariak izango dira.

Instrukzio-organok horrek ebazpen-proposamena egingo du, honako hauek egiaztatu ondoren:

Garraio Zuzendariordetzako udal-ikuskaritzak txostena eman duela, lizentziaren titularrak urteko berrikuspen arrunta gainditu duela adieraziz.

- Onuradunak deialdi honen 13. artikuluan jasotzen diren gainerako baldintza eta eskakizunak betetzen dituela.

- Onuradunak egunean dituela tributu-betebeharrak eta Gizarte Segurantzarekikoak, eta ez duela zergaldian inolako zerga-zehapenik edo -zorrik Udal honekin, salbu eta geroratuta edo zatituta badaude edo haien betearazpena etenda edo *sub iudice* badago.

3.- Gobernu Batzarrak edo horrek eskuordetzen duenak ebatziko du prozedura.

Eskaerari buruz ebatzi eta interesdunei ebazpena jakinarazteko epea, gehienez ere, hiru hilekoa izango da, eskabidea aurkeztu zenetik zenbatzen hasita, edo, zuzenketa-agiriak aurkezten direnetik hasita, baldin eta halakorik eskatu bada.

Ebazteko eta ebazpena jakinarazteko gehieneko epea igaro ondoren, eskaera administrazio-isiltasunez ezetsi dela jo ahalko da.

Eskatutako dirulaguntza onesteko edo ezesteko ebazpenak administrazio-bidea amaituko du.

Ebazpenaren kontra, nahi izanez gero, berraztertze errekurtsoa jarri ahalko da, ebazpena eman duen organoaren aurrean, hilabeteko epean, jakinarazpena egiten

denetik zenbatzen hasita. Bestela, administrazioarekiko auzi-errekurtsoa jar daiteke, administrazioarekiko auzien epaitegien artean dagokion hartan, jakinarazpena egiten denetik bi hilabeteko epean.

4.- Izapidetzeko eta ebazteko egintzak jakinarazpen pertsonalaren bidez jakinaraziko dira.

12. ARTIKULUA. DIRULAGUNTZA ORDAINTZEA

Laguntza erakunde laguntzaileei ordainduko zaie. Mugikortasun eta Jasangarritasun Sailaren ordezkariak emango du onartutako dirulaguntza ordaintzeko ebazpena, eta onuradunei eta erakunde laguntzaileei jakinaraziko zaie; ordainketa egiteko, Udal honetako Hartzekodunen Erregistroan haren izenean agertzen den kontu korrontean sartuko da dirua.

13. ARTIKULUA. JUSTIFIKAZIOA

Udalak ofizioz egiaztatuko du lizentziaren titularrak dagokion urteko berrikuspena gainditu duela.

Hobariaren xede izango dira zerbitzuak 2025eko urtarrilaren 1etik 2025eko azaroaren 9ra bitartean egindakoak izango dira; horretarako, zerbitzuak egiaztasun bidez justifikatu behar dira eta emisoraz arduratzen den elkarteko presidenteak sinatu behar ditu. Agiri horretan, 4. artikuluko 3. puntuan adierazitako datuak jasoko dira.

14. ARTIKULUA. OBLIGAZIOAK EZ BETETZEAREN ONDORIOZKO ERANTZUKIZUNAK.

Deialdi honetan zehaztutako obligazioak betetzen ez badira, edo bertan eskatzen diren datuak eta eskakizunak faltsutzen edo ezkututzen badira, dirulaguntzaren zenbatekoa itzuli beharko da, dagozkion atzerapen interesak barne, dirulaguntza jasotzen den unetik aurrera.

15. ARTIKULUA. EMANDAKO DIRULAGUNTZEN PUBLIZITATEA

Urtea bukatu aurretik, emandako eta ukatutako dirulaguntza guztiak argitaratuko dira udalaren web-orrian eta Bizkaiko Aldizkari Ofizialean.

Era berean, Dirulaguntzen Datu Base Nazionalaren bitartez ere egingo da dirulaguntzen publizitatea, Dirulaguntzen Lege Orokorrak ezarritakoaren arabera.

Bilbon, 2025eko urtarrilaren 20an.

Mugikortasun eta Jasangarritasun Saila.